

„ pra triginta præfuisset , obiit , fuitque depositus in
 „ Monasterio Garumitarum . In quodam exemplari re-
 „ perimus , eum sedisse annos quatuor supra quadrage-
 „ ta . Decessit autem anno nonagesimo quadragesto
 „ secundo , idest , Chriſti 631 . „ .

VII. Joannes Grammaticus , cognomento Philopo-
 nus . Hunc , unacum Conone & Eugenio , Sophronius
 inter eos numerat , qui ante suam synodicam , hoc est ,
 ante annum 634. jam in vivis esse desierant . Acta dis-
 putationis inter Cononem & Eugenium Tritheitas , ac
 Paulum & Stephanum Diacrinomenos de Joanne Philopo-
 no anathematisando eoram Joanne Patriarcha Constan-
 tinopolitano , Justino juniore imperante , refert Photius
 in Biblioth. Cod. xxiv. & Abulpharagius in Chron. Syr-
 cuius verba Tom.2. Biblioth. Orient. pag.328. & seq. ubi
 Paulus ille dicitur Sergii Patriarchæ poltea successor :
 Paulus nempe Niger ; de quo supra dictum est . Aeta-
 tem suam & ipse Philoponus prodit in Commentar. in
 Librum iv. Physicor. ubi de tempore disputationis incipit :
 Φαρὲν γέρ ἐνεπέντεν τὸν καὶ ἐμαυτὸν , Εἰ μῆνα καὶ πέντεν ,
 ἐμαυτὸν Διοκλητιανὸν ἔτος Τλυ , μῆνα παρὰν , πέντεν δεκά-
 των , Dicimus præsentem jam esse annum , mensem , Εἰ
 diem ; Annum quidem Diocletiani 333. (Chr. 617.) men-
 sem Pachon (Majum) diem decimam . Etiam Libros in
 Hexaëmeron dedicavit Sergio Patriarchæ Constantino-
 politano , qui ab anno 610. ad 639. fedit . Elmacinus
 scribit , Joannem Philoponum claruisse sub Timotheo
 Alexandrino Monophysitarum Patriarcha , proximo Dio-
 scori junioris successore , & Theodosii decessore , cum
 que ait , de divinis personis novum errorem publicasse ,
 nempe , quod Pater , Filius , & Spiritus Sanctus tres Dii
 essent tresque naturæ . Abulpharagius tamen in Historia
 Arabica , quæ Dynastiarum dicitur , ab Eduardo Poco-
 ckio Arabice & Latine Oxoniae anno 1663. edita , at-
 tem Joannis Philoponi usque ad exeuntem annum 640.
 productus , quo anno captæ a Saracenis Alexandriae super-
 item illum fuisse ait . Alexandriam autem captam ab
 Amro Al-Asi Duce , sub Omaro , tertio Chalipha , Elm